



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 14 Zakona o javnim preduzećima u Brčko distriktu BiH (Službeni glasnik Brčko distrikta BiH, brojevi 15/06, 5/07, 19/07, 1/08, 24/08 i 17/16), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08, 20/10, 4/13 i 31/13) i Poslovnog plana Javnog preduzeća „Radio Brčko“ d. o. o. Brčko distrikt BiH za 2018. godinu, Skupština Brčko distrikta BiH, na 23. redovnoj sjednici održanoj 17. 1. 2018. godine, donosi

## ODLUKU O DAVANJU SAGLASNOSTI

### Član 1

Daje se saglasnost na Poslovni plan Javnog preduzeća „Radio Brčko“ d. o. o. Brčko distrikt BiH za 2018. godinu, broj: 01-524/17-01-5UO/17 od 26. 12. 2017. godine.

### Član 2

Ova odluka stupa na snagu danom donošenja i bit će objavljena u Službenom glasniku Brčko distrikta BiH.

Broj: 01-02-306/18  
Brčko, 17. 1. 2018. godine

PREDSJEDNIK  
SKUPŠTINE BRČKO DISTRIKTA BiH

Esed Kadrić

*Esed Kadrić*

Dostavljeno:

1. Predsjedniku
2. Dopredsjedniku
3. Gradonačelniku
4. JP „Radio Brčko“
5. Sektoru za koordinaciju politika i opće poslove
  - Odsjeku za opće poslove
6. Arhivi



JP „Radio Brčko“ d.o.o.  
Brčko distrikt BiH

JP „Radio Brčko“ d.o.o.  
Brčko distrikt BiH

Brčko: ulica 16, 78100 Brčko distrikt BiH  
Tel: +387 49 216 610 Fax: +387 49 217 157  
E-mail: [administracija@radio-brcko.ba](mailto:administracija@radio-brcko.ba) / [radio-brcko@radio-brcko.ba](mailto:radio-brcko@radio-brcko.ba)  
Brosura: 400018559999 ID PDPI: 000018559999  
Žiro - račun: 1542012100095564 BSP Bank: 3540050100042174  
Područni Internacional Bank: 90204010000019 NI: II Banka

Brčko: ulica 16, 78100 Brčko distrikt BiH  
JP: +387 49 216 610 Fax: +387 49 217 157  
E-mail: [administracija@radio-brcko.ba](mailto:administracija@radio-brcko.ba) / [radio-brcko@radio-brcko.ba](mailto:radio-brcko@radio-brcko.ba)  
Brosura: 400018559999 ID PDPI: 000018559999  
Žiro - račun: 1542012100095564 BSP Bank: 3540050100042174  
Područni Internacional Bank: 90204010000019 NI: II Banka

Broj: 01-524-1/17-01-50-1-UO/17  
Brčko, 26.12.2017. godine

Na osnovu člana 14. stav (b) Zakona o Javnim preduzećima Brčko distrikta BiH i člana 29. Stav (b) Statuta JP „Radio Brčko“ d.o.o. Brčko distrikt BiH, Upravni odbor na sjednici održanoj 22.12.2017. godine donosi:


#### ODLUKU

O usvajanju Poslovnog plana za 2018. godinu Javnog preduzeća „Radio Brčko“ d.o.o. Brčko distrikt BiH.

Prilog:  
-Poslovni plan za 2018. godinu



Predsjednik Upravnog odbora

  
Edin Ražanica, dipl. menadžer bezbjednosti



ЈП „Радио Брчко“ д.о.о.  
Брчко дистрикт БиХ

JP „Radio Brčko“ d.o.o.  
Brčko distrikt BiH

**JAVNO PREDUZEĆE „RADIO BRČKO“ D.O.O.  
BRČKO DISTRIKT BiH**

**POSLOVNI PLAN**

**ZA 2018. GODINU**

Brčko distrikt BiH, decembar 2017. godine

## SADRŽAJ

UVOD.....	3
FINANSIJE.....	4
LJUDSKI RESURSI.....	4
TEHNIČKA OPREMLJENOST.....	4
PROGRAMSKE I INFORMATIVNE AKTIVNOSTI.....	6
PRJEDLOG FINANSIJSKOG PLANA ZA 2018. GODINU.....	8
INVESTICIJE.....	9
ZAKLJUČAK.....	9

## UVOD

JP „Radio Brčko,, d.o.o Brčko distrikt BiH je, godinama, poslovalo sa finansijskim poteškoćama. 2017. godina je prva godina da je preduzeće, prvenstveno zahvaljujući pomoći izvršne i zakonodavne vlasti, kao i zalaganju članova Upravnog odbora, uspjelo da „stane na zdrave noge“. Izmirene su obaveze prema fondovima PIO/MIO, zdravstvu i ostali porezi.

Prvi put nakon sedamnaest godina, od 01.08.2017. godine, radnicima se isplaćuju lična primanja u punom iznosu.

Plan mjera za otklanjanje nedostataka po Revizorskom izvještaju za 2016. godinu je realizovan po više tačaka navedenog plana.

Takođe, neophodno je da se, u narednoj 2018. godini, doneseni akti preduzeća usaglase sa izmjenama i dopunama zakona Brčko distrikta BiH.

S obzirom da u 2017. godini nije postignut značajan pomak u pogledu ostvarivanja vlastitih prihoda, plan za 2018. godinu jeste da se kroz uvođenje nove programske šeme i povećanim angažovanjem zaposlenih postignu rezultati u ostvarivanju većih vlastitih prihoda.

Na osnovu Prerevizorskog izvještaja za 2017. godinu koji je znatno bolji u odnosu na Revizorski izvještaj za 2016. godinu, plan za 2018. godinu jeste da se svi uočeni nedostaci otklone kako bi Revizorski izvještaj za 2018. godinu bio uslovno pozitivan.

## **FINANSIJE**

Finansijsko stanje u JP „Radio Brčko“ je godinama veoma složeno. Sredstva koja se obezbjeđuju putem granta i ona koja ostvarujemo prodajom naših usluga nisu dovoljna da pokriju godišnje rashode za redovno poslovanje našeg preduzeća.

Uvođenjem nove programske šeme i poboljšanog kvaliteta programa nadamo se povećanoj slušanosti našeg programa i time opravdamo svoju osnovnu djelatnost i potrebu postojanja našeg preduzeća za grad.

Time očekujemo i dodatnu pomoć naše lokalne zajednice u iznosu koji je dovoljan za redovno funkcionisanje našeg preduzeća u nerednoj godini.

## **LJUDSKI RESURSI**

JP „Radio Brčko“, po organizacionoj strukturi, broji 21 zaposlenog. U 2017. godini, u zasluženu penziju, otišla su dva radnika.

Od dvije upražnjene pozicije, riješena je jedna - pozicija direktora u septembru ove godine. Početkom juna 2018. godine još jedan radnik ispunjava uslove za penziju. Potrebno je radna mjesta koja će biti upražnjena popuniti novim zaposlenim.

Preduzeće nema zaposlenih po vidovima privremenih i povremenih poslova. Po Ugovoru o djelu imamo jednog zaposlenog. Stanje zaposlenih biće precizirano Planom zapošljavanja za 2018. godinu Javnog preduzeća „Radio Brčko“ d.o.o Brčko distrikt BiH.

## **TEHNIČKA OPREMLJENOST**

J.P. „Radio Brčko“ je 2013. godine, uz pomoć granta Vlade Brčko distrikta, nabavio novu digitalnu programsku opremu. Za tako skupu najsavremeniju tehniku neophodno je redovno godišnje održavanje od ovlaštene stručne firme. S obzirom da već četiri godine nije postignut dogovor za redovno tehničko održavanje opreme, samo je puka sreća da još nije došlo do većih kvarova. Stoga je hitno neophodno potpisivanje godišnjeg ili čak dvogodišnjeg ugovora o tehničkom održavanju i nabavci dijelova za programsku opremu sa specijalizovanom firmom za te poslove. Prema preliminarnim provjerama, u BiH je samo jedna takva firma koja zadovoljava sve kriterijume potrebne za održavanje naše opreme. Za tu uslugu je, na godišnjem nivou, potrebno obezbijediti sredstva u iznosu od minimalno 5.000 KM.

Kada je kupovana nova programska oprema nije bilo dovoljno sredstava da se zamjeni niti servisira i emisiona oprema. Prije dvije godine je, iz vlastitih sredstava, kupljen jedan novi digitalni odašiljač za emitovanje sa antenskog stuba u gradu. Njegova snaga je 500 kilovata, a plaćen je oko 6.500 KM. Svakodnevno se suočavamo sa problemima u funkcionisanju druga dva odašiljača. Zbog čestih popravki te opreme, koja je starija od 30 godina, preduzeće redovno trpi neplanske troškove, koji nisu mali. U trenucima kvara na pojedinom odašiljaču ne emituje se program sa te frekvencije jer nemamo zamjenska emisiona tijela. Za neemitovanje koje traje duže od tri dana, rizikujemo da nam Regulatorna agencija za komunikacije BiH uskrati pravo koncesije na tu frekvenciju pošto smo, po njihovim pravilima, dužni obezbijediti redovno emitovanje programa, uz mogućnost dozvoljenog prekida zbog kvara samo u trajanju do tri dana. Zbog toga je hitno potrebno nabaviti nove digitalne odašiljače za emisione lokacije Udrigovo na Majevidi i Podarevac u Skakavi Gornjoj. Sa tih lokacija, opet prema pravilima i dozvolama RAK-a, emituje se snagom odašiljača od jedan kilovat. Cijena jednog takvog odašiljača nije manja od 12.000 KM, što znači da je za nabavku dva takva odašiljača potrebno obezbijediti 24.000 KM. Uz to, treba predvidjeti troškove dodatne opreme i demontaže, odnosno montaže, što bi iznos povećalo za dodatnih 5.000 do 6.000 KM. Takođe je neophodno postojeće odašiljače, nakon nabavke i postavljanja novih, poslati na generalni servis u ovlaštenu specijalizovanu firmu kako bismo imali zamjenska emisiona tijela za slučaj da dode do kvara na nekom od odašiljača i time izbjegli rizik da se ne emituje program duže od tri dana. Prema preliminarnim procjenama za servisiranje dva postojeća odašiljača, potrebno je obezbijediti sredstva u iznosu od minimalno 5.000 KM. Sve ukupno za nabavku nove i servisiranje postojeće emisione opreme neophodno je obezbijediti oko 35.000 KM.

Od oktobra 2017. godine počela je primjena nove programske šeme koja podrazumijeva značajno više (oko 60 odsto više) informativnih i zabavnih emisija nego do sada. Najveći broj tih emisija je takve prirode da se one pripremaju unaprijed i snimaju, prvenstveno zbog repriznih emitovanja. (Opširnije o programskoj šemi ćemo navesti u dijelu koji se odnosi na programske i informativne aktivnosti) Zbog toga smo došli u situaciju da nam je postojeći montažni prostor preuzet i stvaraju se gužve i duga čekanja na montažu emisija. Zbog toga smo započeli preuređenje podrumskog prostora zgrade kako bismo tu improvizovali dodatni studio i montažu, prvenstveno za proizvodnju emisijskih sadržaja, ali i reklama i špica za emisije. Vrijednost robe i materijala neophodnih za opremanje dodatne montaže, prema prvim procjenama, iznosila bi oko 15.000 KM.

Takođe, kada uređujemo podrumski prostor, potrebno je urediti i prostor za radijsku arhivu. Mi smo morali kod Kancelarije za upravljanje javnom imovinom Vlade Brčko distrikta razdužiti zgradu koju smo ranije koristili za potrebe radija, pa smo našu arhivu koja se sastoji od nekoliko desetina hiljada

ploča, kasete i kompakt diskova, te dokumentaciju radija, na brzinu preselili u podrum koji nije posve uslovan za tu namjenu. Da bi izbjegli skoro uništenje arhive zbog vlage, prašine i drugih faktora, hitno je potrebno adaptirati taj prostor, izolovati od vlage, uvesti elektro instalaciju i postaviti namještaj za te namjene. U tu svrhu bi bilo neophodno oko **5.000 KM**.

Za sve pobrojane aktivnosti na neophodnom tehničkom opremanju potrebno je svukupno obezbijediti oko **50.000 KM**. S obzirom da se radi o velikom iznosu novca za naše preduzće treba predvidjeti da se zatraži pomoć osnivača u nabavi nedostajuće opreme, a s obzirom da se radi o imovini Brčko distrikta.

## PROGRAMSKE I INFORMATIVNE AKTIVNOSTI

Prateći informativne i programske trendove medija u našem okruženju, ali i šire, a prije svega prateći potrebe i prohtjeve publike, uredništvo je donijelo odluku da se napravi značajna izmjena programske šeme. Dugogodišnji princip rada i programske šeme se pokazao kao zastario i, manje prihvatljiv, današnjim prohtjevima publike. S obzirom na sve brži i dinamičniji životni tempo stanovništva i programska šema se morala prilagoditi toj činjenici. Zbog toga su dosadašnje emisije, od kojih su neke trajale i do sat vremena, doživjele značajnu promjenu. Skraćeno im je trajanje, a uvedena dinamičnost kroz više angažmana samih autora. Smanjenjem trajanja pojedinih emisija, otvorio se prostor za uvođenje više novih informativnih i zabavnih emisija dinamičnog sadržaja i trajanja do maksimalno 15 minuta. S obzirom da je istraživanjima utvrđeno da, radio kao medij, najviše slušalaca ima među vozačima i kod onih koji imaju mogućnost da ga slušaju u svojim kancelarijama, zatim trgovačkim radnjama ili nekim drugim radnim mjestima, te da više ne postoje cjelodnevni slušači radio programa, došli smo do zaključka da je neophodno uvesti emitovanje vijesti svaki sat i to u vremenu od 07 do 19 sati, što je zapravo i globalni *prime time* termin radio emitovanja. S obzirom da J.P. „Radio Brčko“ svoj program emituje 24 sata dnevno, svaki dan u godini, vrijeme od 19 do 24 sata je neophodno popuniti adekvatnim i zanimljivim zabavnim sadržajima. Vodeći računa da se cjelokupni program radija emituje neprestano putem interneta, te da i putem tog komunikacijskog kanala ima reprezentativan broj slušalaca, od kojih je veliki broj njih koji žive na drugim kontinentima, odnosno u drugim vremenskim zonama, u planu smo uvesti reprizno emitovanje pojedinih informativnih i zabavnih emisija od 00 do 06 sati.

„Radio Brčko“ sve svoje vijesti široj javnosti predstavlja putem vlastitog internetskog portala [www.radiobrecko.ba](http://www.radiobrecko.ba) koji je reprezentativan i vrlo posjećen. J.P. „Radio Brčko“, zbog svog obima posla, i uz činjenicu da, za razliku od komercijalnih zabavnih radio stanica, mora poštovati sve profesionalne međunarodne standarde, takođe mora imati predviđen način za posizanje različitih ugovora o autorskom djelu, ugovora o povremenim i privremenim



poslovima, te koprodukcijskih ugovora. Takve potrebe se javljaju najčešće u izbornim godinama koje su u našoj zemlji svaka druga. U vrijeme kada se provode izbori, bilo opšti ili lokalni, „Radio Brčko“ je dužan, prema pravilima Centralne izborne komisije BiH (CIK BiH) i RAK-a, obezbijediti potpuno, fer i pravično praćenje izborne kampanje koje iziskuje povećanje angažmana naših zaposlenika i do 50 odsto. Velike poplave iz 2014. godine su pokazale moć i značaj „Radio Brčkog“. U tom vremenu, zaposlenici su više od mjesec dana radili svakodnevno više od 12 sati dnevno, pratili aktivnosti i obavještavali javnost. Naš internetski portal je, u to vrijeme, trpio preopterećenja i morali smo mu širiti kapacitete, a naši novinari su svakodnevno izvještavali više od 50 radijskih i televizijskih stanica, te internet portala koji su molili za usluge.

## PRJEDLOG FINANSIJSKOG PLANA ZA 2018. GODINU

	PRIHODI	Iznos (u KM)
1.	Prihodi od pružanja usluga-reklame, oglasi, realizacija emisija itd.	93.500,00
2.	Prihodi po osnovu redovnog granta (22.500,00 x 12)	485.000,00
<b>I</b>	<b>UKUPNI PRIHODI</b>	<b>578.500,00</b>
	<b>RASHODI</b>	
1.	Neto plate za 21 zaposlenog 23.000x12	276.000,00
2.	Bruto doprinosi za 21 zaposlenog	148.500,00
3.	Porez na plate za zaposlene	27.700,00
4.	Naknade (autorski honorari) - 1 agažovana osoba x 250.00	3.000,00
5.	Naknade za članove Upravnog odbora	44.100,00
6.	Porez na naknade članova Upravnog odbora	4.900,00
7.	Usluge servisnih informacija SRNA	3.600,00
8.	Usluge servisnih informacija SRNA-dug preth. period	4.670,00
9.	Zakupnine PINK BiH	4.200,00
10.	Komunalne usluge - el. energija	4.600,00
11.	Komunalne usluge - voda	454,00
12.	Komunalne usluge - smeće	421,00
13.	Troškovi telefona	4700,00
14.	Troškovi interneta	990,00
15.	Troškovi materijala za održavanje i čišćenje	1.000,00
16.	Troškovi , kanc mat	5.800,00
17.	Troškovi goriva	1.800,00
18.	Troškovi naknade za muzička djela-AMUS	3.888,00
19.	Troškovi naknade za muzička djela-AMUS-dug preth.period	6.400,00
20.	Troškovi bankarskih usluga - provizija	1.692,00
21.	Dozvola za rad - RAK	825,00
22.	Troškovi korišćenja radio frekvencija - RAK	3.685,00
23.	Osiguranje radnika i imovine	2.335,00
24.	Troškovi za dnevnice	240,00
25.	Troškovi reprezentacije	1.500,00
26.	Troškovi tekućeg održavanja osnovnih sredstava	2.400,00
27.	Ostali neproizvodni troškovi, takse i naknade	2.000,00
28.	Troškovi otpremnine za penziju	2.700,00
29.	Troškovi knjigovodstvenih usluga	8.400,00
30.	Troškovi advokatskih usluga	3.600,00
31.	Troškovi domene	2.400,00
<b>II</b>	<b>UKUPNI RASHODI</b>	<b>578.500,00</b>

**INVESTICIJE ZA 2018. GODINU**

Rb	Opis	Iznos (u KM)
1.	Predajnik 2x12.000,00	24.000,00
2.	Montaža novih predajnika	6.000,00
3.	Uredaji nove montažne opreme	15.000,00
4.	Opremanje arhive	5.000,00
	<b>Ukupno:</b>	<b>50.000,00</b>

**ZAKLJUČAK**

U toku naredne godine, po priloženom Planu poslovanja za 2018., neophodno je razmotriti mogućnost povećanja granta za 215.000,00 KM u cilju prevazilaženja teškog materijalnog stanja koje prati ovo javno preduzeće od posebnog društvenog interesa. Potrebna je pomoć naše lokalne zajednice kako bi se sačuvao i unaprijedio nivo pružanja usluga na informativnom i kulturno-zabavnom planu. Takođe, u cilju redovnog i kvalitetnog pružanja naših usluga, treba razmotriti mogućnost dodatnih sredstava za navedene investicije.

Broj: 01-524/17-01-50UO/17  
Brčko, 26.12.2017. godine

Dostaviti:

1. Skupština BD BiH
2. Evidencija
3. Arhiva



Predsjednik Upravnog odbora  
JP "Radio Brčko, d.o.o. Brčko distrikt BiH  
*Edin Ražanica*  
Edin Ražanica, dipl. menadžer bezbjednosti